

La finezia d'in student

Autor(en): **[s.n.]**

Objekttyp: **Article**

Zeitschrift: **Il glogn : calender pil pievel romontsch**

Band (Jahr): - **(1869)**

PDF erstellt am: **17.07.2024**

Persistenter Link: <https://doi.org/10.5169/seals-881113>

Nutzungsbedingungen

Die ETH-Bibliothek ist Anbieterin der digitalisierten Zeitschriften. Sie besitzt keine Urheberrechte an den Inhalten der Zeitschriften. Die Rechte liegen in der Regel bei den Herausgebern.

Die auf der Plattform e-periodica veröffentlichten Dokumente stehen für nicht-kommerzielle Zwecke in Lehre und Forschung sowie für die private Nutzung frei zur Verfügung. Einzelne Dateien oder Ausdrucke aus diesem Angebot können zusammen mit diesen Nutzungsbedingungen und den korrekten Herkunftsbezeichnungen weitergegeben werden.


Das Veröffentlichen von Bildern in Print- und Online-Publikationen ist nur mit vorheriger Genehmigung der Rechteinhaber erlaubt. Die systematische Speicherung von Teilen des elektronischen Angebots auf anderen Servern bedarf ebenfalls des schriftlichen Einverständnisses der Rechteinhaber.

Haftungsausschluss

Alle Angaben erfolgen ohne Gewähr für Vollständigkeit oder Richtigkeit. Es wird keine Haftung übernommen für Schäden durch die Verwendung von Informationen aus diesem Online-Angebot oder durch das Fehlen von Informationen. Dies gilt auch für Inhalte Dritter, die über dieses Angebot zugänglich sind.


La finezia d' in student.

Benedetg, il figl d' in niebel e reh signur, era in leger giuven, che saveva ualti bein co consumar la rauba de siu bab, il qual domondava pauc suenter siu figl, aschia ch' il giuven haveva empriu d' enconoscher bu-namein meglier las casas d' ustria che sia casa paterna. Ina sera ch' el sesanflava ell' ustria dil «liun» cloma igl ustier el d' ina vard e di: «Miu bien Benedetg, co stat ei ussa cun nies quen? ei gliei quater meins!» — Bandunond il Benedetg quell' ustria e vegnend a casa, entaupa el sin via igl ustier della «cruna», il qual salida ele di: «Ei, signur Benedetg! vesan ins era puspei Tei? Ei para che Ti sapies bucca pli nua jeu stetti; ei va bucca ditg, che jeu mirel nua Ti eis de casa!» Il Benedetg continuescha siu viadi ed entaupa prest igl ustier della «crusch alva», il qual domonda el, senza salidar auter: «Mo, mo, Benedetg! Contas gadas dei jeu spetgar tochen S. Martin? Tgei calender meinas Ti era? quel de tschien ons?» — Ei gliei de comprender, che Benedetg era in student, e ch' ei meunca adina danès a quella glieutetta, ei nuot daniev. El haveva menau en il sistem della «spetga». Basta, ! nies bien Benedetg



va vinavon e vegn a casa. Igl emprem va el en nuegl, meina giuadò il bi cavagl, che siu bab possedeva, di enzatgei en ina ureglia al fumeagl e va cul cavagl pli lunsch.

Lautra damaun, cura ch' il bab ei levas, va Benedetg tier el e di: «Saveis Vus bab, che nies cavagl ei crepaus»? — «Crepaus? . . . nies cavagl? — mo, tgei ha ei muncau ad el?» domonda il vegl bucca senza dolor. «Nus stuein cumprar in auter, sche mo in survegness in bein spèrt», replica il student. — Cunquei eis ei stau finiu per quei di.



Lautra damaun bein marvegl vegn Benedetg puspei cul cavagl, ferma quel vid ina petga-crap giu avon casa, va si tier il bab e di: »Vegni giu, jeu sun sut de cumprar in cavagl, el ei giu avon casa el semeglia precis quel ch' ei crepaus. Il vegl vegn giuadò, mira il cavagl e di: «Quel ei precis sco il nies, denò ch' el para empau pñ pigns; tgei domondan ei per el?» «Schotg marengins il pli davos quei ei ina bagatella; quel custass schiglioc segir 30 marengins, mo quella glieut ston haver basegns dils danès . . . 10—12 marengins savein nus gudognar, sche Vus papa cumpreis quel. Per tschel havessan nus gie biaga survegniu 30 marengins ed era precis tuttina.» »In tec pli pigns eis el«, di il bab, ed il figl rispunda: «Mo de quei ch' in strusch encorscha«. Item, il cavagl há plaschiu al signur ed il marcau ei prest staus fatgs. Il papa dat al figl ils 18 marengins per schar ir e pagar il cavagl, mo quel ei ius e ha pagau ses deivets d' uustria e puspei buiu in schepli sin sanadat de siu bab.

Cars gieniturs! semeglionts cas vegnan eunc oz il di avon en bia familias, nua che la tschocca carezia dils gieniturs meina ils affons tier ils pli grons lasters.

La forza dil vin.

Ina sera vegn in signur jester cun siu survitur en l' uustria della «glienda» a G. . . . El domonda ina tscheina ed entochen che quella ei stada restegiada pren el in refrestg. La tscheina inaga sin meisa, lai el bucca mo gustar la vivonda, mo bein era il bien vin. Il madem fa il survient, ch' era nehers; el svida ina buteglia sin lautra. Avon che ir a létg lai il signur eunc purtar ina buteglia e dat il commond, de era restegiar ina el dormitori. Signur e survient van a létg e quei omisdus en ina combra, essend ch' il signur temeava de durmir persuls. Arivai sin combra, legia il signur eunc las gasettas e beiba quella buteglia vin leu restegiada. Suenter de quei van omisdus a létg e dorman sco tais entochen las duas della damaun. Lu sededesta il survient e, savend ch' ei segi eunc in tec vin ella buteglia dil signur, leva si, va ord létg e beiba ora tut. Suenter haver dustau la seit vul el turnar vi en siu létg, mo vegn empau memia enneu encunter il létg dil signur (ils létgs stevan aschia, ch' ils peis de in e de lauter eran in encunter lauter) e va en quel, semetta giu, e quei naturalmein aschia, sco ded esser en siu létg, talla